

七

錄

齋

詩

鈔

七錄齋詩鈔序

劉知幾論史有三長曰才曰學曰識吾謂史固有是詩亦宜然天資敏特下筆千言洋洋纒纒不煩追琢是之謂才孕括古今舊聞並畜兼采博極羣書是之謂學俯仰上下洞有所見可以開拓心胸垂世龜鑑是之謂識自有唐以來不兼此三者不為大家於今求能是者蓋寥寥焉唯吾友阮吾山舍人當之吾山與弟謝堦俱以詩鳴自八九歲時即能吟咏弱冠前所作多散佚嗣是才益老學益邃識益高其為詩也如山水然峻者行者感者紆者滙者流者湍者漫者

千態萬狀罔弗畢備大抵只如其意所欲言而縱橫  
百出出入於百家諸氏而軌則森然其諸昌黎韓氏  
所謂材全能鉅者與夫詩道之靡也久矣昔人曰言  
志曰理性情然無才學識三者貫之志於何明性情  
於何正近之談放軼者勿論已其或局守一隅講機  
法別風格而忘其本焉循乎其說遂至廢才棄學而  
無所用其識於是道降為技便於天下空踈庸妄之  
輩兼無以服夫是駕凌節者之心甚至古大家如李  
杜韓蘇概指為癡調斥為不合格格知燭火之可照也  
而蔽於日月之明知箏笛之為樂也而昧於鍾呂之

奏嗚呼讀吾山詩其亦可關其口旋其面目矣子年  
近三十始攻詩孺染漸摩惟吾山是質十年以來研  
究經義不能專心於此予經說藁成吾山更定數十  
條發前人所未發又為予言知我詩者謝堦外唯子  
一人良以經史與詩文無不根於才學而折衷於識  
吾山不專能詩乃所以能詩予雖不能詩而未嘗不  
知詩無他其理一也長夏共寓積雨連旬因讀七錄  
齋集暢語及之吾山曰子之言世人之所不樂聞實  
世人之所不可不聞者遂書以為詩鈔序時乾隆壬  
午閏五月望日年愚弟王溥書於宣南坊邸之竹影

泉音書屋

七  
録  
齋  
録

七錄齋詩鈔目錄

卷一

古辭詩四十二首

今辭詩二十二首

卷二

古辭詩二十二首

今辭詩三十五首

卷三

古辭詩十九首

今辭詩二十五首

卷四

古體詩二十三首

今體詩三十七首

卷五

古體詩十八首

今體詩六十一首

卷六

古體詩四十一首

今體詩二十八首

卷七

古體詩十六首

今體詩四十六首

卷八

古體詩十五首

今體詩五十九首

卷九

古體詩十九首

今體詩五十六首

卷十

古體詩二十三首



今體詩四十六首

共古今辭詩六百四首

七錄齋詩鈔卷一

東華先生集卷上  
丁卯年  
田家雜詩

田家雜詩

東華課農事汲水閑  
灌園竟日饒  
驅轉隱隱聞前  
村襟靴眩紅紫  
歷歷當我門  
侵晨露蕊濕  
薄暮風  
枝翻田間自佳色  
抱甕忘朝昏

春疇一夜雨  
新綠何漫漫  
老農凌晨起  
睹之顏色  
歡蘇蘇  
潤原隰  
潺潺鳴迴湍  
桔槔閑不用  
縱橫架  
簷端感彼造化力  
暫得手足寬

林杳泛惠風  
陰陰菴茅屋  
踈隴被嘉禾  
清流帶修

竹興來獨行吟牛背答歌曲遙看原上村田父走  
相續豈不憚勞苦恐虛篝車祝

夏雲海上來頃刻變百狀秋雨密如絲芳堤吹細  
浪田家夏秋時奔走出相望稚子爭飲牛村婦忙  
饑餉可憐一粒餐敢遺寸陰曠

人生貴太古城市拘禮法野老無機心開言吐胃  
脅談咲海天空足洗塵耳狹一室羣從遊溫溫習  
世業睹此風俗淳不覺性情洽

寓懷

我非金石資官骸類草木人壽復幾何榮名苦不

足東西跳兩九壯懷苦碌碌行樂宜及時百年一  
轉燭首鼠徒兩謁謁轅駒苦局促丈夫未稅駕且卧  
東山麓

干將未出匣時時匣中鳴牟尼藏深淵徃徃中宵  
明才士處囊底一出羣兒驚炫玉昔所戒抱璞終  
何榮龍潛與虎炳時哉哉惟所行儒冠豈誤人君子

崇令名

登山畏崎嶇涉水愁波濤伊人渺天末別懷空鬱  
陶人生貴知己一言堪久要貴賤無異心死生誓  
同袍奈何末世士翻覆更崇朝斗酒矢劍頸羹豆

興戈矛昔人有三友慎旃惟爾曹

貴遊踞要津起家半屠酷光輝耀鼎彝吹噓走風  
雨誰者為剪拂鄉相可立取伊彼蘆中士甘心守  
農圃挾策非賢人自媒豈貞女朝露察危機熟視  
若無睹

大雅久寥落狂瀾誰抵柱子雲逞雄詞長卿多麗  
賦徒爾事雕虫芟芟費神慮昔我有先正深心託  
毫素用以道性情匪云摘月露古人不可作但貽  
後生誤悠悠笙笛耳誰與砭其瘡

迢迢東海東上有三神山仙人乘翠蓋雲中時往

還不知幾千歲鶴髮而朱顏我欲控黃鶴輕身昇  
此間長跼請丹訣攜手開笑言泠泠青瑤流蒼蒼  
松桂壇相將採芝朮駐景上清班舉手謝世人回  
頭迷塵寰

芳樹

芳樹不知名柔條森滿園東風一以度梳櫛春斑  
斑花開裊麗影花落愁嬋媛穠華易凋謝轉眼非  
春暄相思不相見成蹊終無言

臨高臺

端居忽不憚日暮臨高臺舉首望京洛沉憂從中

來中原擢麟鳳窮居良可哀翹思忽長嘆恨非英雄才馳光訝如電延頸空徘徊徘徊不能去斷絕  
中場准

抄  
怨歌行

晶晶秋月清撼撼秋風起蟋蟀驚妾心送情亘千里  
攏坂征塵黃雁門峰色紫落葉不歸根歲華驚逝水  
緬昔送君時芳懷託蘭芷浮雲傳不流轉覺銀漢通中夜  
擘瑤琴獨旦念彼美載咏東山詩  
轉何能已

採蓮曲

採蓮蕙採葉翠蓋擎清流花謝葉獨存團圓直到  
秋

採蓮蕙採藕潔白浸波深中有不斷絲纏綿似妾  
心

鉢池山

仙人王子喬鍊丹居此山仙去不復返極目唯雲  
烟山根錯亂石幽壑飛紅泉空臺落梵響松籟鳴  
清絃攀蘿上絕磴臨流聽潺湲步虛訪仙踪採藥  
懷芝田山中招隱客高風懷昔賢我欲據丹灶悠

然証長年



野望

振策晴郊外天高豁遠眸  
秋暝聚未黍日夕下羊  
牛帶郭千家靜環溪百丈湫  
村、  
板急吾欲事西疇

中田覓微逕步履每褰裳  
野水搖孤艇浮雲接大  
荒平生住城市踪跡塊  
農桑東望嗟沉潦何時咏  
稻梁

春柳

何限風情暗欲銷  
南陌踏青飛  
暖絮東風吹綠上柔條  
聽殘長笛新亭角立盡斜

陽舊板橋認取靈和標格在麴塵烟起亂絲飄  
濯濯風姿舊有名十分嬌小且藏鶯拳條欲盡經  
春感顧影偏闌送遠情賸取柔腸添綽約劇憐通  
體是輕盈樓頭多少凝粧女瘦損宮腰學未成  
顛狂無賴自難持終日應無不舞時何處陌頭牽  
遠思有人樓上闌纖眉懷春易得增消瘦生小偏  
應管別離司馬莫愁憔悴甚翠條不似鬢邊絲

過遺頤公葦間書屋

十年塵土沆征袍小築書堂遠市囂風雨幾回尋  
舊約菰蘆從古卧人豪飛鴻過眼青天濶穴蟻闌

心白浪高浮世悠悠聊痛飲丈夫何必擁旌旄

詠史

烈烈兩大節死生存趙孤浮夸若左氏烏不筆之  
書史遷有稟承妙旨傳眉須此義風天下繼起繁  
有徒遐哉夏臣靡其詳今闕如

日夜望喪來夸飾大言耳毒非甚虎狼詎忍戕其  
子灼見在幾先胡為必出此想當料事時危幸實  
相倚縱不脫其難未必速之死當斷復游移潰散  
不可理智非陶朱公必終寧慎始

陳餘推邛綬張耳猶錯愕謙論導其旁尚可締前

約勸耳急佩之城府判垠嶠餘既軀命戕耳亦信  
義薄所以人倫間補救賴良藥債事在一言其害  
劇千鎔

帳中飲美人胯下騰名駒談笑七十戰雄姿千古  
無千金購吾頭且復立斯湏高歌感左右從容及  
頭顧英雄自有真成敗徒區區

五世為韓臣祖龍寶韓仇良為報韓出此義高千  
秋韓王有遺孤瓚尾傷旄邱郡生封六國韓祚其  
有瘳漢王趣刻印行可光先猷歸而事其主豈不  
勝封留咄哉借前箸乃為他人籌後來孤孫信謀

逆終見收身戮血食斬非徒受地羞良也果為韓  
曷不先為謀

諸將入咸陽金幣抄盈車惟何獨先入收律令圖  
書以此知扼塞戶口無亡道慨自秦燔後儒坑黔  
首愚爾時博士職猶掌三代儲詩書百家語豈不  
藏天爵假令收得之聖道光瑤樞楚人一炬後萬  
古長夜如太息刀筆吏所見真區區

稱不盡厥量用不顯厥施薦賢不得力不若沉沙  
沉我讀淮陰傳太僕良足奇丞相追亡卒登壇隆  
禮儀掌握一區夏指揮千熊羆寶刀鳴鞘中不割

和龍鉏鉏後誅殺何其拙濟  
信冠子不盈殿場抗四老歸  
高山質我見事明晚節傾  
不卒業車來漢廷亭長亦  
精甚逆鱗誰敢櫻杯羹不  
足惜視尔何重輕監飾欺  
吾事能勿隨英彭黃鶴去  
不送鴻飛何天遠我脫  
瘡網獨有魯生

業與菘仇壯飽多豆駸衰如風馳英雄千丈氣噴  
吐在此時後來成帝業才似左券携

為善廼不卒鐘室給淮陰何思復何怨此事傷人  
心功高方震主救死愁不任聊為雉中媒曾是傷  
弓禽睽彼辟殺人太息沾吾衿

陳平多陰謀晚附諸呂力王呂獨不爭何如王陵  
直趨為右丞相顯位以此弋太尉誅諸呂平亦共  
鉏擊詎知雁行騁不為退飛鷄事成榮名齊人孰  
窺其帶臣功不如勃方寸自披澀

赫赫霍去病煌煌衛子夫曖昧以有身而乃震震

區蟻螂化清蟬駕駘生飛駒乘除有天運變化安  
可模斷斷詞世族無乃今世愚

少好讀禁書言從臨舊遊奈何生五女緩急徒悲  
愁叔季信醫藥遠涉山海求生但食草木死不貽  
箕裘曷親淳于生勅君行且休

紈扇曲

手持白紈扇難掩相思淚多恐西風生秋未易拋  
棄

白馬

白馬拖金絡嘶必昂首一鞭搖尾行此身究誰

有

春草

春影綠無罅萋萋芳草新  
未堪承繡轂才可襯花茵  
茵出土初經雨數榮易占春  
根苗誰植汝踪跡遍郊闈

寓園梅開為風雨所敗

絕擬梅開日提壺酌翠微  
如何一夜雨斷送好春歸  
窻冷殘香入庭空艷雪飛  
詩懷渾欲瘦寂寂掩雙扉

兜背畫馬歌用蘇子由觀韓幹畫馬韵



龔生白頭常低垂龍鍾泪眼如繁絲南望臨安恨  
填臆悲啼虛負懷中椎九原丞相不可作麻衣芒  
屨空奔馳冢徒壁立坐無席獨對弱子傷愁羈或  
凭兒背作唐馬風鬚露鬚真權竒如龍如象孰敢  
控駢駟駑駘皆伏雌疑是房星下為怪要屬妙手  
偶得之龔生畫馬豈徒爾寧競醜骨誇妍皮蘭筋  
豪飭寓哀痛太息兒背心誰知嗚呼太息兒背心  
誰知莫謂龔生是畫師

贈薛季思

吾聞漢有摹印書平正往往通隸法後人目未識

古印天吳紫鳳紛椒襟公輩直坐不讀書金石雕  
鏤類書押文何不作程未死篆刻紛紛搃顏甲河  
東端復文有神曠古斯倉恣漢獵青花乳細桃皮  
紅殘缺踐壞紐競收拾鈍鉄入手生旋風如峯墜石  
泉穿出峽蛟螭拏攫鏗金刀星斗芒寒落寶匣誰謂  
壯夫羞不為百歲老翁氣驚懼青田山根石材乏  
一寸價敵餅金十儉荒橋舌相矐眙此事坐受君  
彈壓春朝鄭重來問遺片片琪玕耀裝篋知君於  
我如石交豈獨虜龍誇絕業所愁傲骨常磴磴有  
藉砭磨功細入何當雲亭來問竒門外停驂載蠻

槎

南陽湖觀打魚歌

南陽湖踞南湖汜南陽湖水平於紙層巒疊嶂抱  
湖邊波光凝碧山光紫山外人家業捕魚風簑雨  
笠綠菰蒲我來屢擢傍湖汜烟嵐一抹疑有無漁  
舟兩兩蕩天末擊汰揚舠破空濶大魚躍出驚神  
鯉小魚尾禿浪中跋須臾網得數千頭鱗鱗滿載  
歸沙洲就釜銀絲烹白雪傾筐野肆換新筍薄暮  
炊烟燃楚竹爭脫荷衣曲港曲醉看殘日晚山紅  
笑指湖心秋月白我家淮浦浪連天牧唱菱歌憶

往年坐傍青簾泛雙槳汀花岸芷相延緣苦被支  
祁歲為虐蛟涎龍沫波濤惡年年萍梗怨秋風一  
棧無計嗟飄泊安得移居來此湖抽身便向湖中  
漁浮家泛宅長孫子把酒時還讀我書

秋日遊怡園

獨居苦岑寂負此清秋時不速集衆賢或如相會  
期言尋城北園步屨繞芳池亭臺丰敞側樹影何  
參差蠅蛸絡窓戶烏鵲巢高枝當年富文讌車笠  
紛追隨盛會或不再世事嗟推移山頭一延佇蕭  
蕭聞寒颼

石城懷古

萬疊青山抱石城，龍盤虎踞舊神京。  
樓臺半屬南朝寺，軍壘全消北府兵。  
閣閉臨春終有恨，歌殘玉樹已無聲。  
繁華莫問當年事，燕子飛飛空復情。

尋舊宮

輦路迢迢儼望中，禁城不改舊嵒巒。  
龍運移自失山形，險事去非關王氣。  
終玉厓僅標閭寺塚，金輪仍紀梵王宮。  
行人日暮重回首，無數牛羊一笛風。

贈陳山人

不意相逢舊石城，滄江流盡六朝聲。  
幽棲地僻行

人少古寺亭荒病鶴迎歌哭著書遲學道風塵賣  
藥自逃名論交與爾真傾蓋別向人間托此情

早鶯和程魚門

春林吹嫩綠  
綺旒度新鶯  
翠葉藏身小  
金衣坐樹明  
隔花啼宿露  
傍晚曉  
轉春晴  
不用雙柑聽  
能令俗耳清

早蝶和程魚門

甫遂微生性  
花開便過牆  
露寒衣尚薄  
風暖態偏狂  
已弄娟娟舞  
能尋細細香  
眼前看汝慣  
終日覺飛忙

登燕子磯

絕頂高雲外支筇緩步登  
極天窺海遠落日瀉江  
澄襟帶汲京口杯盃指秣稜  
羽翰如可借應得逐  
鷗鷗

食鱠魚

棟花風過潮滿江漁人得  
傷窺魚缸獻新論價不  
易得客來遺我尾一雙  
飭付厨娘帶鱗煮開樽坐  
傍紅油窗箸夾肉芝凍活  
玉盤堆珠菜誇雞腔非  
如河豚海魴聚腥毒詎比  
黃鱧青鯉空駭龍腸乙  
枕丁尾丙皆不惡莫嫌腹  
下箭簇森體體入口多

刺味始美東坡之恨心難降淮南水鄉足蝦鱗偏  
怪生不從此邦今年且喜食更蚤大嚼倒盡芳草  
缸酒闌放歌君勿笑會從江上乘吳艘

海南檳榔歌酌楊公子

東坡先生謫居儋耳時日啖一粒○朝食無枝林  
下聞高哦詩成小草亦增色垂房統刺種特殊龍  
乳鳳卵芽新擘我讀坡詩口流涎幾回夢想身到  
嶺南喫嶺南道路窮躋攀隔斷千山等異域平生  
此願空懷貪食指栩栩動何益叩農公子海上歸  
抽身才出枕榔舶縱談山川驚曠聲撫膺恨不生



雙翼手出鑿珍數十粒初滿然風露猶未蝕開函屬  
我金錯刀迎刃平分赤虹壁曼卿笑擲桃花飛李  
倫怒奪珊瑚擊吐吞紺雪咀流霞不數丹砂與白  
石燕支未點絳唇斑櫻桃直映瑛盤赤由苦得甘  
味美回君子所貴非饕餮多君餽遺有深情汙此  
足以慰今夕况有新詩貯錦封吟罷清風拂簾額  
恨無香草藉作歌蟬吟蛙鼓慚風格幾時縱身五  
嶺之南三山東來朝快蝶吾雙履

城北園亭讌集

珠湖曲曲波漾漾紅橋西偏艤白舫選勝忽到城

北園步履散散穿小巷才隔三城地散跣况當四  
月天和暢不速已集十三人影纓曳履走相望園  
公為客開柴闥陰陰一架藤花放修竹不除當路  
枝怪石儼作向人狀松老千年斑作鱗亭空四壁  
虛無障行過畧約倚朱闌落花萬點浮春浪信步  
周巡曲檻遣縱身直到危峯上我有閑愁千百端  
登高一眺胸懷曠山園景物望中收隔溪遙見青  
帘聽入座狂吟謝客詩呼童快貰胡姬釀酒戶誰  
甘大小分一軍似我猶堪張醉倒花前未是痴王  
山頽後神逾王我有狂言請具陳四座勿噓吾姑

妄眼前風景良不殊辛勤却自何人勑主人征海  
去不歸坐令名區隔蓬閭種花不是看花人吾輩  
逆場携屨杖諸公衮衮俱名流徙倚臨風發清唱  
高談雄辯於詠竒勝地良辰任跌宕百年容易此  
合并文章風誼爭相尚春來不惜醉千場此生還  
着屐幾兩倩誰畫作雅集團詩以紀遊吾不讓

秋夜

織月下檐端照我讀書室露溥桂華濃風搖菊影  
側秋意何蕭疎悠悠吟抱膝坐看銀漢移虫聲鳴

唧唧

天際起涼颿，颿然落屐樹。四壁帶寒螿，萬井聞搗素。微雲駐不飛，俯仰恣延佇。空庭藻苕橫，締衣濕秋露。

讀邑志張孝忠傳

建炎以來九土圻，銅馬紛紛若蟻織。貴官宿將擁節旄，首下尻高擗賊賊。謝公發憤獨勤王，平江潭州軍氣揚。一見將軍倚右臂，帳前流涕策戎行。單師禦敵轉江表，雙刀照耀飛丹霜。函湖坪外西風烈，殺氣橫秋胆如鉄。敵勢雲屯捲地來，忽驚馬蹶奔流血。將軍矢盡尚揮刀，隻手思將萬虜滅。但教

心共白日懸那惜身隨天柱折南朝從此更無人  
忍向屋山間帝魂錦水十年流碧血丹心半夜燭  
青雲吁嗟乎丈夫七尺重泰山取義成仁在此間  
君不見高達呂文福生降萬古身名辱青史何曾  
堪卒讀

瓶梅

一枝帶嶺雲青澆橫素影暎彼水雪姿無言人自  
靜紙闌迎朝曦暗香度彌永掩卷咏懷人耐茲歲  
寒冷

野寺

禪扉半掩夕陽中  
林外香風動塔鐘  
行遍空階人  
不見一聲清磬落孤松

王芥子檢討招集陶然亭

長安一夜秋風生  
城中萬戶砧杵聲  
忽聞折柬招羣飲  
驚起新睡身為輕  
城南子亭對雙闕  
葦葉延緣致佳絕  
教株烏柏魚頰紅  
一路<sub>去</sub>黏楊蟬翼潔  
翰林主人興轉豪  
俸錢到手棄弁髦  
驅車那許俗人入  
投轄先防佳客迓  
席地清談如屑玉  
樹影當簷瀉杯綠  
軟紅十丈不能侵  
虛白一窻淨如沃  
西山當面張翠屏  
拄笏看山倚画樓  
秋光點淡霜華白

木葉凋殘石氣晴乍有秋聲來耳畔旅愁欲翦渾  
難斷醜顏遙趁晚楓丹巨觴飛似晨星亂主人催  
酒更催詩粉壁新塗逸客題太史含毫初着句山  
僧磨墨何淋漓我本菰蘆一釣者多君恕我太踈  
野醉後沉吟句未成一聲南雁愁偏惹

津門舟中

夕陽城下晚潮紅城闕蒼茫野望中海氣作雲迷  
遠岸河流鼓浪戰秋風輪蹄彳亍炊烟密錢貝喧  
闐市井通回首長安天尺五片帆東下等飄蓬

聞雁

陽鳥乘秋信，鷺飛入翠微。  
寸心終北向，息影暫西歸。  
皎月隨清夢，新霜點素衣。  
平生霄漢志，豈為稻粱肥。

南莊襟詩

策蹇緣溪路，危橋倚碧波。  
綠凋荷蓋折，紅散蓼花多。  
烟艇聞漁唱，風帆數客過。  
村中無盜賊，燈火夜聞歌。

四望多秔林，園門只短垣。  
樹高深坐鳥，村近晚歸豚。  
野處存吾樸，幽栖遠市喧。  
陶潛真達士，松菊老

田園



曲岸多臨水時宜把釣竿  
露凝禾穗濕風折柳綿  
乾得酒尋隣酌攤書面  
圖省自憐迂拙性苟且學  
偷安

幾歲流民盡今年戶口增  
小橋通過客野艇波歸  
僧林響村鐘笛沙明遠  
寺燈老農有真意帶月一  
扶藤

過城東訪頤公不過冒雨歸來寄以詩

夾岸涼波斷約環訪君又過綠蒲灣  
剗憐會面千回少不道掀髯一  
眼慳水閣且懸徐孺榻墨雲都  
化朱家山來朝重着探幽履  
一棹重來艤葦間

七錄齋詩鈔卷二

山陽阮葵生吾山

十載山陽下  
清口惠濟祠

靈祠縹緲鎮三洲門外西來萬里秋水滙黃淮作  
襟帶天連吳楚控咽喉風濤遠徙蛟人宅月鏡高  
懸帝女樓半壁東南資保障野鴻飛處使人愁

河上聞歌

歌臺終日響檀槽駭鱷曾無靜館陶鳩鵲頻年困  
菽藿金錢何處醉葡萄寒艾苦費司農策沉玉還  
聞聖主勞莫聽紅兒清夜曲水衡輸入總民膏

登岱

朝曦煜煜輝城東，千疊萬疊青芙蓉。馳馬疾走行，  
如磬高峯不動，隨人踪。山脚不露雲朦朧，有似斗  
壁無徑通。峭巖萬籟鳴，天風騷、颯、吹霜空。拾  
級而上，披蚕叢、蛻、蜒、如長虹。攀絙直欲凌蒼  
穹，輝煌駕元開，層宮碧霞青。帝祠高壘鋪金綴碧  
璽，玲瓏越觀會稽秦。鶴豐太行千里來，蔭蕞徂徠  
梁父皆鞠躬。龜蒙鳧繹兒孫同，東望扶桑海波紅。  
黃河萬里波溶、秦碑十丈濃霧封。漢柏十圍苔  
花茸，何處更尋十五松。空令懷古心冲、我來登

頓方嚴冬水雲寒  
五天光蒙策杖一眺開  
心胸有如身騎蒼驪龍  
八荒茫茫不可辨  
九點笑指齊烟中

咏雪

同雲一夜暗東西  
三迳纒紛玉作泥  
著地橫鋪花蕊亂  
當簷直壓樹頭低  
斜陽幾處留鴻爪  
冷巷明朝沒馬蹄  
唯有上林光景好  
鳳城沒關浸玻璃  
不捲重簾斗室明  
冰花滿几舞縱橫  
才從天上看初下  
便為人間補不平  
望去亭臺皆一色  
室照來心迹更更清  
擁爐無限詩情好  
撥盡寒灰咏未成

望斷村村玉樹斜，霏微到處捲瑤華。  
文園賦手思梁苑，香閣詩才愛謝家。  
未許門前朱燕熟，客終知天上有名花。  
飄來塵界原難浣，粧點清輝透碧紗。  
鷺影鴻泥望總非，寒光百頃靄清輝。  
枝頭不是尋常瑞，簾外爭他上下飛。  
似有雨聲喧竹屋，更無醉客欵柴扉。  
倩誰送酒消清晝，門外人人總白衣。  
閉門清絕小窓幽，芳醞能驅皴凍愁。  
活火圍爐添獸炭，薄寒中夜擁羊裘。  
一時茅舍同華屋，昨日青山竟白頭。  
幻出大觀君記取，不須重放剡溪舟。  
一天清靄靜無痕，冷淡誰敲竹外門。  
大地登時成

淨土人間何處有黃昏  
托身本近雲霄路結蓋原  
非草木根試向樓頭擢望眼  
隨風珠玉滿華園  
當筵飛舞耐清寒似我肝腸  
合作餐散蕊儘堪供  
客掃殘花猶足任兒擣直教  
江海同沾潤能使乾  
坤損改視從此世間無缺陷  
好留膏雨後來看  
凍雲如墨壓林臯飛絮飛絲  
薄似毛枯木盡教開  
朵朵紙窓不住響騷騷  
遙天鶴影原無相金帳羊  
羔也自豪古寺春宵寒不寐  
欲從燕市買葡萄

同曹抑堂吳山夫南生大治昆季遊萬壽

山望昆明湖

微雨濕軟塵春風靚如沐策馬鳳城西西山獻新  
綠鞭影拂春堤泉聲澌寒玉此地接禁林雲霞紛  
綉簇金碧耀亭臺清華映水木梅柳競芳菲湖波  
遠洄洑乍看簷檻浮真見日月浴翹首隔銀潢會  
心到濠濮卽此是瀛洲何處問仙躅我欲學飛昇  
凌霄放遐矚

趙北口

紅蓼亭荒水國秋白溝原是舊鴻溝渠成宋室終  
南渡洵水無情自北流

宋何承矩開白溝限遼騎  
建蓼花亭愛景臺今洵水

皆共  
道跡

送張雲門歸仙源

天際行雲過不留，客中送客鄉心稠。  
故人得三春聚，遠道偏添萬里愁。  
半生牢落鮮知己，宛陵以南得諸子。  
蕊榜賢門會絕奇，春宵古寺談何綺。  
擊水搏風信有無，可憐賈客盡還珠。  
求仙我似拖腸鼠，落第君如點額魚。  
我正踟蹰嗟窘步，聞君忽漫言歸去。  
揮手遙辭薊北雲，揚鞭直指江南樹。  
江南薊北渺風烟，欲別不別愴離筵。  
富貴不來有異日，韶華一去非少年。  
駕君車兮執君轡，青衫暗濕離人淚。  
月白長安雁失羣，風高北地魚難寄。  
勸君行



一  
卷  
五  
五  
速莫行遲歸去仙源樂可知歐母荻書今食報謝  
家池草舊題詩只憐滯迹春明客欲留不能歸未  
得落花時節最思君思君一夜愁千百

送曹柳堂之任西江

打鼓江頭賦壯遊錦帆遙指百花洲西山鶴嶺仙  
人洞南浦珠簾帝子樓倚棹蒼茫朝拄笏放倚瀟  
灑夜藏鈎懸知琴閣饒清暇憶否僧廬咏四愁  
廉吏於今正可為使君况復是人師從來經術堪  
為政如此江山好賦詩官味澆於秋嶠月別懷縈  
似綠楊絲他時買棹彭湖上要聽兒童父老詞

雪後二絕句和顧晴沙韻

僧廬無計度華年，好句吟從雪後天。  
極目鳳城佳氣繞，春融萬井入祥烟。

春宵紙閣擁紅爐，漸覺寒消九九圖。  
翹首上林晴雪後，東風吹綠柳千株。

冬日雜感

生不履阡陌，幸亦免飢饉。  
孤雲何所依，灌溉資天潤。  
挾策志功名，裁器失光芒。  
及擾擾南北，馳吳監點。  
雙鬢滾滾，鞞鼓聲華走才俊。  
舉手謝諸公，吾歸。

知委順

於世信無補於人良無爭嗜寤攬明鏡自笑頭顱  
儻時復廣眾中酌對知羣情婉委有芬馥撲遶叢  
譏評骨體不夸毗安得潛形聲

英英四方彥勞勞遠地書為言長安樂不似山澤  
雕榮名豈不貴志趣終以疏所問非我習我習非  
世娛西咲信可鄙抗塵寧非愚椎結稟舊式新粒  
將何如

古言市道交交情疇不爾彼此通慳懷投桃報以  
李自非所取求胡為聯臂指我利無可資我勢無  
可倚文章既淹蹇言詞多觸抵故人如晨星滿眼

便媚子蓬蒿掩三徑濁酒聊自喜

巨公博宏與奔走徠名流往往吹噓間立致青雲  
遊交遊互傾軋心跡殊薰蕕跡迹無德怨入室叢  
戈矛虛聲亦何益罰羅方四周所以古達士迹名  
如避仇

桄榔以材伐猿狖以捷蹶飲河期滿腹遽似長流  
竭鵲蚌何齷齪但為漁者斲往事復何言壯心銷  
華髮

猛虎世所畏虎終繫於人鷓鴣叫天末枉矢纏其  
身壁鼠性善匿聞者咸怒嗔國人逐瘼狗豈畏奔

跋跋斂井固無計致羅良有因吁嗟麟與鳳出為

天下珍

平生志山水五嶽游何時更著幾兩屐蓬戶常依  
眉罅隙窺日月宇宙空恢竒東南饒名勝夙昔夢  
見之方舟若咫尺人事還相尋卧遊不工畫撫弦  
凝遐思

張粥謠

殘月照蘆棚餓夫披衣起持盞詣官倉十街走過  
遷晨出暮告歸竟日廢生理可憐一勺漿泥沙襍  
糠粃上以飫其親下逮妻與子今朝去不返舉室

倉皇俛俄聞隣家哭爭訴隣翁死衆足踐為糝肉  
血飽蝼蟻又聞寡婦兒頭裂緣鞭箠長官戒擁楮  
杖下多新鬼嗟予誰司牧坐擁天庾米空文報上  
官金錢化流水戶口禁無稽斗室濫誰紀朝廷重  
民命賤卹下明旨撫字成何心因之以為市市心  
不爾責哀此溝中髓登城望北邙荒墳若碁累白  
楊風蕭蕭路絕烏鳶喜

聞周白氏先生訃音

客館初傳訃悲風愴聽聞世方宗大雅天竟喪斯  
文泪入瓢城夢愁深盍嶺雲與公三月別不信感

離羣

趙文山太守署中築見山園用林暕廬司

馬韻却寄

聞道官齋內新開小有天嵐光飛碧澗石色霽蒼  
烟匝匝雲山潤蒹葭竹樹連林香飄淡遠松影罩  
孤圓憶握花前塵曾烹座上泉幾回吟岸舫疑是  
泛虛船官味成都鶴襟懷茂叔蓮自徑今離澗久忽  
聽畫圖傳水署環蓬島莎廳隱西川松陵聯社日  
燕寢紀詩年遠道情如夢傳聞句似仙賦成榮別  
思遙睇色蒼然

射湖泛舟

綠漲紅橋颺酒帘  
柳絲踈地影纖纖  
夜來細雨春泥濕  
燕子人家盡捲簾

畫鷁輕搖駐曲塘  
隔簾消盡綺羅香  
願狂一任風前絮  
可奈吳兒木石腸

昭陽城北阻風

扁舟維荻岸  
雪浪湧成堆  
水色連天遠  
風聲挾雨來  
有詩渾漫興  
無計遣空杯  
故友嗟零落  
風流枉溯洄

頤萬峯下  
世二載矣

卽伯埭晚眺



射陽南去起迴潮古埭荒亭入望遙極目湖光連  
海暗打頭雨葉帶風飄林花欲濕圓紅寺秋水初  
平漲綠橋一棹晚維沽酒岸汀洲蘆荻聽蕭蕭

月夕與吳稻孫重遊雨花臺

褰裳拾層級眺遠豁吟魂難得今宵月重開昨日  
尊平生耽水石吾輩尚邱樊振策最高頂秋星四  
望繁

蕭思話彈琴石

我愛蕭常侍浮杯枕碧泉琴聲流逸響古韻尚悠  
然北嶺無餘迹空山有暮烟惟餘松石意思像六

朝前

與吳少白談秦淮遺事

合肥司馬集才人擊鼓張燈晏水濱博得酒卮金  
釧去茶邨句好亦傷神

社集秦淮坐水軒司農雅調亦高騫半生明月題  
詩冊尚有詞人憶櫟園

半山堂故址

定林野寺枕山隈入耳泉聲繞澗迴我亦平生似  
行脚可能每飯跨驢來

金陵咏史八首

山河誰鑿破自古秦皇愚空令異代後王氣開東  
吳孫氏父與子江介恢雄圖阿瞞下建業不得窺  
濡須勢如鼎足峙乃定金陵都江東論人物伊誰  
肅與瑜顧彼蒙遜輩齷齪皆非夫樓船既南下降  
幡環城隅風利不得泊鐵鎖將何如

五馬一為龍馬後牛仍繼銅駝方寄慨新亭已雪  
涕王馬共天下招邀羣子弟犯順據石城茂弼忍  
坐視禍亂方迭興恢復誠無計元規塵自污萬年  
臭莫避深源負虛名安石饒實濟淝水擊苻秦草  
木壯軍氣終焉勅長星惟呼東錄事奄奄江表間

烏衣誇門第誠哉清言誤流風害後世

織履搏蒲兒相謀傾晉鼎京口誅桓元燕秦皆繫  
頭禪國殲其君奸雄尅悻悻身沒甫一傳篡逆崇  
朝逞元嘉論治安祖做漢文景寧一曾幾時潏禁  
復相等宰相黑衣充鈞軸五臣秉萬里壞長城地  
下目未暝生民苦塗炭燕雀巢林頂柴桑有詩人  
清節獨炯炯

彥回求齊官齊公登九五自謂能儉勤可使金同  
土階禍爰逆鸞江南歲芳主慶遠故善辭霍光豈  
自取告廟索香火殄滅盡宗祖可憐東昏帝謂他

人為父玉笛奏聲聲金蓮生步步裨販娑曼遊刀  
勅晏旁午羣鬼典要津諸寶據江澣不知同姓人  
雪耻向門戶

丹山接紺宇梵刹何崇萬南朝四百寺大抵皆名  
蕭在昔天監初蘭陵誇雄梟詐力攘人國逼王甘  
醇醪浮山築淮堰萬姓沉波濤晚乃務姑息講經  
栖松寮捨身同泰寺金錢贖鴻毛妄夢貪中原叛  
逃終見招故鬼久痛餒宗廟慳牲牢新鬼亦號飢  
果報臺城劫子孫餘喘息臣僕寄危巢寄語佞佛  
人福田非可要

朱衣兆日明黃奴識塵起帝祀秣陵尉名山屬蔣  
子手掌據彈丸猶復闢靡綺宰相稱狎容宮人疏  
學士隱囊玩美人天墮恃江水江孔擘采牋爭寫  
麗華美擒虎忽飛來相逼胡遽爾臨春不復登倉  
皇入井底璧月詞未終影落清溪裏

正倫田舍翁齊邱亦狙獐初起棲船軍因緣際時  
會臨境發嘆嗟窈國乃如芥跳梁江淮間跨越鄔  
郢界繼統太庸愚坐令國勢潰五鬼賊交訐八閩  
衆復敗後主好文辭李徐稱掩代唯工草降箋何  
裊朝事壞舊曲念冢山宗社竟榛菜怏怏恨空餘

未相韓熙載

一人起濠泗莫鼎都石城龍虎拱禁節日月依光  
明應天駐輦數文物齊崢嶸中攬馭區夏一洗偏  
安名玉甲識江湖金川來甲兵文皇靖家難懣洛  
成陪京簪裾列殿陞松檜園園陵堂堂二百載聳  
教同朝廷傷心光與熹羣小紛縱橫黨錮禍反覆  
變亂相除乘王氣值弩末東南天欲傾鍾山雲不  
紫宮闕徒榛荆在德不在險庶幾歌太平

偶咏

烏衣門第羨諸郎江左風流謝與王水木清華何

處是更無玉笛倚胡床

華林園畔路迢遙  
遠趣依稀想濮濠  
開日艤舟湖上望  
樓臺烟雨認南朝

同吳稻孫胡潮門遊清涼山

水行十里城西隅  
捨舟遙陟西山巔  
紆迂百折行如盤  
上有層巒自高迥  
沿山攀援忘其勞  
千雲直上敢馳騁  
平生惜無濟勝具  
經行苦愛山容靜  
三步步五步一停  
屐拄杖輸他登頓  
猛古寺門開見佛  
容綠樹陰濃失人  
影窄迳深穿綠篠  
中虛亭高入青峯  
頂天風飄飄吹我  
裳久立直令毛髮  
冷人間



此地最清涼  
雲外鐘聲足  
深省

卜侍中祠

作達尚清談  
斯人獨鄙吝  
立身自巖巖  
詎知流俗  
愠東陵督軍  
旅假節收餘  
燼天意不可  
知傷心蹈  
白刃可憐  
賔與賔相繼  
一朝殉是父  
生是子忠孝  
故吾多蒼蒼  
檜柏陰殘碑  
字已磷讀罷  
拂蒼苔悲  
風有餘恨

送別吳樞孫歸淮山

意外相逢  
試酒兵登臨  
幾度起秋晴  
頻年難得  
挑燈話此夕  
偏深惜別情  
懷抱對君差  
灑落飄零如

我負生平白門秋色涼如洗  
石子岡邊送遠程

題秦淮水榭

迎涼畫閣抱青溪  
香艷銷沉異往時  
秋水到門波激激  
晚風吹幕雨  
烝烝恨無  
漿迎桃葉自倚層  
闌唱柳枝  
欲托微詞寄相憶  
碧雲日暮有遐思

九日獨酌有懷李滋園

白門殘雨剪秋羅  
紅樹村邊落照多  
秋水始波林木脫  
碧天如洗雁行過  
從來此日宜中酒  
任是無花也放歌  
却憶隴西賢大尹  
風簾銀燭費銷磨

海上戲東鄭板橋李滋園

縱遊忽到水雲間  
東望蒼茫海上山  
可惜眼前無  
画手直將詩筆  
畫荆關

梁溪舟中寄家叔父二十韵

檝舡將歲暮  
風雪到吳門  
一載縈離悵  
三冬款緒  
言通宵  
杯斝罄入座  
咲談温情話  
桃長禁清吟  
傍短垣筠竿  
垂粉籜  
石色剥苔痕  
花草闌情擅  
琴樽古意存  
寒松忘歲月  
古井息潺湲  
自可稱愚谷  
差堪賦小園  
著書情自洽  
閑户道原尊  
偶爾携遊屐  
相將理釣輪  
婁江浮碧浪  
玉嶺眺青原  
丞相祠為  
草尚書第  
似村幾番增  
感慨到處足  
攀援弔古供

我嘯題詩待討論  
經旬依杖屨何日脫  
邱樊故事  
慚題鳳前途愧徒鯤  
愴懷常伏櫪舉目盡  
乘軒又  
作春明夢愁孤教育  
恩扁舟維野岸流水  
逗吟魂  
永夜寒無寐長憎燭  
影昏

高郵舟中

堤平城堞水平堤  
婦子駭然競挈提  
負襁絲如鴻  
集野誅茅忙似燕  
爭泥西來風浪連  
天湧東望桑  
田逐海低幾葦  
革長官乘傳至  
不知何計拯  
災黎  
征帆才卸晚晴初  
縱眼湖光混  
太虛信有舫如  
天上坐  
可堪人在釜中居  
波沉晚圃謀宜  
預石壘重

閑計已得我亦杞人憂未了一椽何地免為魚

秋懷

西風搖落動秋懷身世茫茫感不才  
故國蒹葭零露<sup>門</sup>山鴻雁背霜來  
銷魂愁滿江淹賦物色虛登郭隗  
臺坐擁牙籤消永日桂堂容易倒金甌

七錄齋詩鈔卷三

山陽阮葵生吾山

題吳山夫先生十憶詩後

霜風獵獵窓紙呼臘鼓  
瑟瑟喧九衢平明出訪延  
陵吳高館跌坐圍紅爐  
披帷直入登紅氍新詩一  
卷持示予低徊吟罷心踟  
躕讀公之詩持擬公類知  
公原是列仙儒平生崔嵬  
好奇服杜門不出工著  
書相斯史籀網遺跡抄剔  
一一權錙銖老來更復  
蠟屐履耽佳山水遊鴻都  
三載太學賦間居摩挲  
石鼓朝忘鋪今年忽忽動  
鄉思歸心一夜索菰蒲

故園何事不堪憶，公言結習猶未除。有癖酷類顏  
與迂，賦成小物情亦殊。如琢琅玕青珊瑚，百穀良  
璧千明珠。句中神韻眉山蘇，有時兀杲昌黎如。尊  
前一讀一擊節，頂背直灌清醍醐。我亦自笑樊籠  
拘，抗塵走俗胡為乎。會須挈伴偕歸歟，竈竈跣坐  
教烏烏。山夫讀書處稱詩讀畫供畝漁，論量金石研鉛  
朱掣開更呼竹。民叟載酒同泛蕭家湖。詩中所憶  
皆舊書

畫手抄書金石文字并及蕭湖  
泛舟老友陸竹民故結語及之

琵琶行贈陳山人

君不見廉郊師曹綱，臨池往往彈清商。精深微妙

感靈物躍出韃賓鐵一方又不見開元康崑崙登  
樓彈指驚四隣羽調綠腰遺舊譜段家弟子今無  
人千秋絕藝誰能繼鷓絃龍撥等兒戲大抵傳罷  
不傳音傳音那更能傳意齊州陳翁人中龍青衫  
落魄流南中當今琵琶第一手曲師幾輩推神工  
隴西主人錦筵開賓客紛紛酣綠醕酒闌請翁搯  
忽雷翁起搯置膝轉軸輕調律推却一再行四座  
聲漸息綿綿齒抽然徐徐風入室琅琅澗泉鳴涓  
涓簷溜滴瑛盤滑落珍珠聲綠窓絮語兒女情淒  
涼法曲纏綿意怨亂哀音宛轉生須臾急拍成奔



放伊涼古調同悲壯月落龍堆恨萬重霜淒雁磧  
愁千狀不關商婦泣舟中直似明君彈馬上恁然  
一聲聲已完改絃翻作聲多端啁啾來百鳥霄漢  
鳴孤鸞陰山白翎雀勅勅黑海青移宮換羽入香  
冥一音能肖萬物聲繚而曲兮往而復繁不亂兮  
斷還續四絃更合笙簫琴一絲能協草木竹翁精  
此藝三十年只今鬚髮空蒼然歷歷心聲與心畫  
邈邈非指亦非絃滿座對翁齋嘆駭知音誰寔具  
神解四座擊壺一和之過雲清響何瀟灑常筵授  
簡促秋詩黃絹真慚絕妙詞醉傍琴堂搖玉管擊

節欲碎珊瑚枝倒盡巨羅不計數勸君莫遣良宵  
誤白雪須教郢客聞黃金難買相如賦

邱丈桐園為予訂十載刪餘詩賦長句寄

懷

論量風雅派各殊騷人幾輩號雄駿吾鄉作者差  
不孤百年以來半真贗近今詎少大雅才埋頭帖  
括成悒眩羣兒剽賊多妄庸枉說搯觚弄柔翰過  
江忽采野狐禪山魃木客爭月旦吁嗟論詩至今  
日牛鬼蛇龍恣縈亂桐園先生一代才灑視一編  
耀紫電春雲靄靄月溶溶五采陸離爭流漫齊梁

體格窮千年開寶風神衍一線橫流之壺昏夜燈  
匪異人任語豈謾賤子鄉里一狂生閉門不敢輕  
呈面十歲吟詩嘆未成幾疑有鬼據吾腕二十年  
中二千篇叢編蝨簡恣塗竄市上胡琴碎不勝年  
來敝帚珍誰玩幾回上書不見水絹繇空作仰屋  
嘆平生喙硬眼無人對君忽漫思焚研東野低頭  
信匪虛微之偷格今真見誰知山藪廣含包憐才  
却荷深垂眷手把我詩傾我言孺子可教今之於  
餘波畧溉足沾濡歐陽之語吾顏汗題品真遙許  
子將知音竟許稔中散為我煎洗尋癩瘻此生敬

奉香一辨况與高門托葭草一家羣季呼碧鶴頗  
見有如此客不掃門今日嫌遲鈍老眼真憐為我  
青得一知己乃不恨我有狂言姑妄陳江河萬古  
源湏辨滿眼醯雞與井蛙苦海何時達彼岸忍令  
此道嗟淪胥公乎如何溺不援願公重復整敷盤  
量衡莫惜齒牙論騷壇倘許張吾軍鄰生願掉舌  
三寸

歸燕

一年低首傍簷牙此日才驚去路賒小別未能辭  
故主重逢知更在誰家寒塘衰柳蟬聲急白露空

潭鴈影斜未省平生有離別西風一夜感天涯  
飛飛何處更覓栖芳草池塘夢已迷涼露零時聞  
鶴警淡烟橫處有烏啼依人生計同飄梗惜別心  
情戀綉題且喜抽身無罣碍空梁脫屣一九泥  
聲聲繞棟是離音一宿空秦感不禁憶向雕梁通  
翠羽虛從朱箔想紅衿淒涼去國還鄉日多少辭  
巢戀主心直待春歸上林苑一沒重愁玉堂陰  
辛苦營巢事已休故家門巷總堪愁重來那更栖  
庭樹少住還應戀畫樓不分飄零終浪迹也須珍  
重莫輕投多情王謝工詞賦相送金風玉露秋

金山寺用東坡韻

金山見寺不見山寺前望江兼望海下臨無地上  
摩空四顧回頭失所在披襟危立當陂陀塵懷滌  
蕩凌鯨波兩岸青蒼嵐翠落大江白日鼉鼉多我  
胃炎歌理征楫孤帆一片啣斜日誰知江心六月  
寒渾忘天際颺輪赤臨江賦詩發高唱不待片雲  
頭上黑天寬地窄未分明浪淘東去心魂驚吳楚  
蒼茫渾未識從來此地多人物眼前還是舊江山  
來往瑞應笑容頑舟子催歸呼不已一輪圓潔照

江水

新豐

行來一九丹陽路兩岸蟬鳴綠樹叢倚棹不知秋

水澗買魚沽酒到新豐

太白詩南國新豐酒即指此地

舟中望錫山

澄川繚晴圃秋陽灑圓穹放舟錫山下隱隱窺九  
龍翠岫淡欲無烟光浮高空或於疎林外一線橫  
遠峰輕帆無定向山光竒無窮秀絕供隱几勝概  
環窓中何當蠟屐絕頂扶枯筇

寄同硯諸知己

碧荷庭院漾柔颺記與諸君話別時幾日便懷黃

叔度平生雅慕陸天隨西風帆影人千里涼月湖  
光酒一危此日淮南秋正好小山桂白鎮相思

泛舟竹塋訪歸愚先生不過

輕舸搖素波布帆綠溪颺挾舵柳港陰舉頭見青  
嶂葦葉何蕭森水光致澗潏危亭帶方塘窻間繫  
烏榜乍啟竹外門松菊皆無恙室邇人則遐離心  
鬱怡悵拭壁誦新詩藹然如春盎隣圃聞絃歌風  
流信嘉尚小憇坐書堂秋光落几杖石色侵薜蘿  
層巒勢相向天風何處來我到蓬閣悠然賦懷  
人隔溪聽漁唱



寒泉

寒泉一片石清流帶山脊逶迤灌岩根入耳聲漑  
漑我來匪入山偶爾携遊屐睹茲清人心臨池支  
短策似有遺世意涼風滿蘿薜

千尺雪

入門千竿萬竿竹森森蕭蕭夏寒玉下有清流澄  
以深坐令六月忘炎燄粉闌一帶敬溪邊翠草千  
叢綉山足亭臺大都無正向高下摠隨山勢曲鳴  
泉萬派落峰頂波波折折漾文殼接筒分引注滿  
池亭前一片波光綠我過曲徑走禪房拄杖山頭

窮遠目涼風颭颭吹我衫秋林萬樹如新沐遙聞  
天際落濤聲龍鱗萬點攢蒼綠有時天香雲外飄  
悠悠鼻視接芳馥勝地豈獨奔流奇移步皆堪作  
畫讀溪山信美非吾鄉登臨直是蘧廬宿徒令遊  
興成勾留何日一茅來卜築

訪蓮花洞誤入花山後峰

入山十餘里複嶺何崇隆窄徑穿仄壁高低皆榛  
叢言訪蓮花洞出入林棘中忽復至絕頂舉手天  
閣通四望失故步乃至花山東週遭抱巨嶺層嶽  
環崇墉老松萬千株虬柯撐蒼穹一覽盡衆山萬

景羅心胸因誤乃得佳妙理誰能窮我本崎嶇人  
杖背入遙空藉草一以憇披襟當天風矯首望西  
嶺更尋蓮花峰

蓮花洞

逶迤紆越後嶺才于奮搏控未下天平山北先入蓮花  
洞彌望喬松陰滿耳幽禽哢翠雨濕衫袂蒼苔閉  
石縫巨石穿為堦深黑窺如瓮雲竇通幽逕危丁  
覆高棟推窓望衆山上壓層雲重分明萬屏殊高  
攢密無空云是仙人居洞中迹久封昔人不可見  
空作遊仙夢

白雲泉

山腰數間屋對面絕壁峙巖根露微隙跳沫流石  
髓潺潺注滿山鏗然中宮徵老僧架竹筒引灌庭  
中泚方塘環曲檻一泓清且泚酌之烹玉茗清風  
入牙齒何處着纖塵臨流洗吾耳

遊虎邱寺放歌

夜雨初晴快新霽朝來西風吹我窓涼生衣袂客  
意爽招呼載酒浮秋江蘇臺風景致可悅海湧寺  
前搖輕艘波紋淡沱自澄碧鬱環到處沿柳樁敗  
葦衰荷偃水曲福畦禾隴侵苔石繫舟忽到山塘

下山色迎人羅青徑古阜千年帶虎氣廣場一片  
連崕岫六代風流傳舍宅至今祠宇揚旌幢時值  
中元報秋賽遙聞伐鼓聲遙遙僧彌白哲終結束  
手擲金銑馱敬控吳姬越女好顏色新粧玉珮行  
琤玢此間俗尚類信鬼禱首都傍琉璃缸寺前錯  
雜日爭逐往還底用籃輿扛我來寧復等遊治茫  
茫百感心難降二姜祠下再拜起惟公名姓驚愚  
蠢五人之墓莽榛棘野老時時呼耕殺草木因公  
亦起敬溪邊思薦藪與苙低首再拜不能去寒泉  
鳴咽聲淙淙夕陽一片下西嶺寒鴉驚鷺翔高龍

登臨只愁日不足光陰可惜如奔馳  
歸舟放槩江月白四山隱隱堆烟鬢

二姜先生祠

裂牘威難霽傳呼赤杖來棄官情  
骨肉遠戎劍與儂山雨一庭暗松  
風萬壑哀當年緣奉母曾此暫  
徘徊

桃花塢問唐六如故居

青袍行處足風流小築花源任拍浮  
此日柳絲殘照裏暮蟬哀怨不勝秋

秋夜行樂

碧梧搖影過虛樵獨卧秋堂月色澄客戀吳江秋  
萬頃夢迴淮浦路千層偶經薄病思兄弟每到名  
山憶友朋檢取清涼治消渴襟懷須似玉壺冰

素心蘭次韻

蕭齋不與衆芳倫只恐相臯尚有塵剝許素懷同  
皎潔那無妙語出清新風神絕稱深秋夜臭味全  
消綺習人只合微吟烹玉茗不須尊酒勸頻  
仙家舊譜記瑤京細蕊分明玉比瑩香滿空山懷  
舊侶夢回沅浦帶離情疏芳我擬靈均潔竟體誰  
憐小謝清剝有素交同臭味胆瓶應許贈修莖

寄埽翁邱恭亭先生楚中

離筵紅燭話春宵  
記向江頭送短橈  
秋老終知驚別久  
情多翻恨報書遙  
千年勝蹟存荆沔  
萬里懷人感艾蕭  
回首湘南舊遊處  
十年踪跡等萍飄

同浦聳之訪趙子昂手植銀杏

烏程城中泥滑滑  
衙齋幾日虛遊屐  
浦君好竒與我同  
却趁新晴問遺跡  
傳聞銀杏自炎宋  
承旨當年手親植  
年荒代遠無人知  
遍訪幾如重九譯  
道旁一老鬚髯皤  
欲飲為指橋邊宅  
蔓草荒烟委市廛  
破牆敗瓦攢街脊  
當頭古幹撐青霄  
四圍荆杞



從誰開龍擘螭屈鬱輪囷薜蝕藤縈襟青赤森  
蕭蕭向日寒似有陰風起樹隙出地已經六百年  
參天何止二千尺一株半死尚含青五十年前遭  
霹靂中心慄裂森開張滌血流膏涸砂磔摩挲此  
樹感懷抱何啻秦松與漢柏幾番憑弔哀王孫  
黍離致罷傷銅狄乾坤破碎家何有宮闕榛蕪  
露臆詩名書跡滿塵寰草亡木天同寥寂遺基  
空與世銷沉大樹猶為人愛惜回首冬青哭杜  
鵲蒼蒼一樹無顏色

天聖寺壁觀管夫人畫竹歌

殘陽欲墜澹將夕江城日暮飛虛嵐掣開步屨城  
北寺經樓破碎供瞿曇一逕行來古殿上草翳牆  
角苔侵龕寺僧指點誇墨室仲姬西壁資幽探偶  
然物色睹神妙眼開眉舞心忘悵按不笋而生不根  
活蕭蕭踈踈復粲粲風篁露蕩致瀟灑苔花石色  
俱清酣風霜剝蝕粉光落有似食葉叢春蚕雅人  
深致有態度不知黜潘磨幾甌天留妙墨恣眺賞  
行人只擬遊湘潭北宋嘉生蒙當年最嗜古題詩日  
日傳羸豔琅玕清影字如斗題額欲墜危指擔我  
來吟詩復讀畫幾番懷古情空含天上人間此佳

耦鷗波亭子吟和耽摩浮壁下趣不厭天邊月影  
飛經函我欲坐卧三日去流連那復思淮南

滄浪亭

漳川詩筆逐歐梅騰謗誰知禍有媒便向吳門掛  
冠去石枰春水富尊罍

山塘薄暮泛舟

吳娘蕩柔艣片片水紋開淺浦隨潮沒山雲挾雨  
來烟鬟堆翠巖紅袖送金罍薄暮聞吳咏涼颼度  
曲隈

楓橋

唐人泊楓橋一絕擅千古我來經此地秋心屬蘭  
莊凝望寒山寺古瓦竄蒼鼠空江月正明鐘聲渺  
何許

梁溪舟中

偶上江湖載酒船幾番吟瘦沈寥天只餘一事成  
孤負未酌山頭第二泉

登北固山

江抱名山山抱城海門東望怒濤迎崔嵬棟宇齊  
梁蘓指顧金焦左右橫潮汐不消●●●登臨每  
見古人情壯圖歷歷成消歇一片神鴉夕照明

金山寺絕頂

盤空閣道瞰中流，賈勇來登最上頭。

射二歲日射窗窺

鳥背烟

翻形影

魚舟山頭黛色連，吳會樹裡江

聲鎖潤州薄暮魚龍吹浪黑，海天風動塔鈴秋。

重上浮圖望眼昏，渾疑足底踏鼉鼉，千年雲氣藏

蒼檻，萬里濤聲走寺門，憑弔祇今悲歲晚，蒼茫何

處問江源，上方深處鐘聲靜，客思從誰與細論。

家叔蘊村先生寄詩題吳舫集並招為洞

庭之遊次韻奉答

經旬紙閣眠冰蚕，遊踪欲遍苔花龕，吳中山水甲

江左美景恨不窮東南偶然載酒泛一舸興盡得  
句徒懷貪好風忽復送波鯉朱絃一曲嘆已三夢  
想洞庭好秋色何得奉杖同遊探竹林之遊成僅  
事酒闌搔首携長鐙

觀穫

一望黃雲靄夕暉秋旖處處稻染肥老農飯罷腰  
鎌出擺袂風輕動卉衣  
護岐十穗滿平川狼藉雞棲鴨柵邊陌上兒童拾  
遺種人生容易得豐年

矯首高原土穀祠紛紛報賽走龍眉茶餘逐隊雜

豚社一幅幽風畫裏詩

隴首行吟短褐宜東臯倚徙最佳時無田也作  
年慶苦愛儲王襟興詩

城北登高

商鞅瑟瑟露華凝客上荒原路幾層雲淡秋山增  
蘊藉霜催老樹失鬚髻晚風吹帽人爭笑左手持  
螯我尚能一眺寒城頻光木末不辭賈勇快先登  
謾謾蒼松起暮濤西風似亦帶蕭騷烟寒淮水聲  
尤壯秋老隋堤首重搔人影滿城回屐齒斜陽一  
片下亭阜歸途更有詩情好枯木林中月影高

和東坡歲晚詩三首

臘鼓喧九衢饋遺逮賓佐禮俗隨歲時詎競食與  
貨珍竒艷馭驗酸薄憐措大取予兩有傷且效袁  
安卧窺甕粟有餘開尊客滿座天西日月東兩蟻  
旋高磨紛紛投報中百歲如電過聊寄一緘詩招  
邀知者和饋歲

一年餘一日別歲還遲遲往事感隙駒韶華焉可  
追茫茫人海中吾生寧有涯安得粘日膠留之無  
去時深宵來紅爐杯盤陳甘肥除年在今夕願除  
愁與悲躋堂酌壽觴卮酒安足辭重聞洽謹譙神



明猶未衰別歲

歲尾接歲首如擊常山蛇不眠竟夕坐團團話周  
遮清言亦復佳教問夜如何獨憐小兒女欲寐聲  
猶譁晨鐘忽復鳴漏鼓將停過夜氣逐雲散桃符  
迎風斜彈指即改歲人生空蹉跎萬事醉亦休泥  
飲猶可誇守歲

千金亭

破趙亡齊捲地來威加海內走震雷千金不宿微  
時諾如此還鄉亦壯哉